



## Gradonačelnik

Broj: 07-537<sup>2</sup>/24

Datum: 18.03.2024.godine

Gradonačelnik na osnovu člana 69. stav (1) tačka b), stav (2) tačka e) i člana 70. stav (1), (2) i (4) Zakona o javnim nabavkama ("Službeni glasnik BiH", broj: 39/14 i 59/22), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), a na preporuku Komisije za javnu nabavku po zapisniku broj: 07-532/24 od 18.03.2024. godine za javnu nabavku »Usluge nabavke raketa i održavanja sistema protugradne zaštite na području Grada Srebrenik», d o n i o j e:

### O D L U K U O PONIŠTENJU POSTUPKA

#### I

Poništava se postupak za javnu nabavku "Usluge nabavke raketa i održavanja sistema protugradne zaštite na području Grada Srebrenik", pokrenut po Otvorenom postupku broj: 07-532/24 od 22.02.2024. godine, objavljenom na portalu javnih nabavki, Obavještenje o nabavci broj: 761-1-1-6-3-34/24 od 26.02.2024. godine i sažetak Obavještenja o nabavci, objavljen u „Službenom glasniku BiH“ broj: 16/24 od 05.03.2024. godine iz razloga što je primljena ponuda ponuđača **JP „Protivgradna preventiva RS“ a.d. Gradiška neprihvatljiva.**

#### II

Ova odluka objavit će se na web-stranici [www.srebrenik.ba](http://www.srebrenik.ba) istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

### O B R A Z L O Ź E N J E

Postupak za javnu nabavku "Usluge nabavke raketa i održavanja sistema protugradne zaštite na području Grada Srebrenik", putem otvorenog postupka, pokrenut je Odlukom Gradonačelnika broj: 07-532/24 od 22.02.2024. godine. Obavještenje o nabavci broj: 761-1-1-6-3-34/24 objavljeno je dana 26.02.2024. godine na Portalu javnih nabavki, a sažetak Obavještenja o nabavci objavljen je u »Službenom glasniku BiH« broj: 16/24 od 05.03.2024. godine.

Procjenjena vrijednost nabavke iznosi 83.028,00 KM (cijena bez PDV-a).

U roku za predaju ponuda koji je određen Tenderskom dokumentacijom (18.03.2024. godine do 10:00 sati) na adresu Ugovornog organa dostavljena je samo ponuda ponuđača JP „Protivgradna preventiva RS“ a.d. Gradiška, broj: 299/24 od 12.03.2024. godine u iznosu od 97.068,00 KM (cijena bez PDV-a – Ponuđač nije PDV obveznik).



U skladu sa članom 63. Zakona o javnim nabavkama, Komisija je u zakazano vrijeme pristupila javnom otvaranju pristigle ponude, o čemu je sačinjen Zapisnik broj: 07-532/24 od 18.03.2024. godine, koji je elektronskim putem uredno poslan ponuđaču „ JP „Protivgradna preventiva RS“ a.d. Gradiška. Komisija je zatim pristupila detaljnom pregledu i analizi dokumentacije priložene uz dostavljenu ponudu u smislu provjere njene potpunosti, prihvatljivosti i ispravnosti, kao i usklađenosti sa zahtjevima Ugovornog organa iskazanim u Tenderskoj dokumentaciji. Tom prilikom komisija je konstatovala da je *ponuda ponuđača JP „Protivgradna preventiva RS“ a.d. Gradiška neprihvatljiva*, obzirom da je cijena navedene ponude iznad procjenjene vrijednosti nabavke i sredstava obezbjeđenih u budžetu, pa se takva ponuda odbacuje kao neprihvatljiva, a u skladu sa članom 2. stav 1, tačka 1), alineja 2) Zakona o javnim nabavkama, kojim je određeno da je neprihvatljiva ponuda ona čija cijena prelazi planirana, odnosno obezbijeđena novčana sredstva ugovornog organa za nabavku.

Primjenom člana 69. stav 1. tačka b) i stav 2. tačka e), te članovima 37. i 139. Statuta Grada Srebrenik (“Službeni glasnik Grada Srebrenik”, broj: 1/24) odlučeno je kao u dispozitivu.

#### POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

#### Dostavljeno:

1. Služba za poduzetništvo, lokalni razvoj i investicije
2. Ponuđaču 1x,
3. Budžetu
4. Evidenciji,
5. Arhivi

